

Buskeda riguroso cu asistencia di militar na Westpunt y Arashi sin resultado

Ainda Natalee Holloway ta sigui perdi y buskeda intensivo ta continua

Informacion inicial di detencion di tres persona a wordo revoca

**Buskeda riguroso
cu asistencia
militar na
Westpunt y
Arashi sin
resultado**

Pagina 2



ORANJESTAD – Te cu ayera nochi laat, autoridad no tabatin ningun pista concreto di e paradero di e mucha muhe Mericano Natalee Holloway. Durante un conferencia di prensa ayera nochi na warda di Playa, Fiscal Mayor Karin Jansen y comisario di distrito Noord Jan van der Straten a muestra cu fuera di repasa e acontecimentonan di e ultimo 4 dianan, no tin nada nobo pa raporta. Ni e detencion of intencion di detencion di 3 persona manera cu Alto Comisario Interino Gerold Dompig a bisa inicialmente ayera tardi.

Buskeda riguroso cu asistencia di militar na Westpunt y Arashi sin resultado

Ainda Natalee Holloway ta sigui perdi y buskeda intensivo ta continua

Informacion inicial di detencion di tres persona a wordo revoca



ORANJESTAD — Te cu ayera nochi laat, autoridad no tabatin ningun pista concreto di e paradero di e mucha muhe Mericano Natalee Holloway. Durante un conferencia di prensa ayera nochi na warda di Playa, Fiscal Mayor Karin Jansen y comisario di distrito Noord Jan van der Straten a muestra cu fuera di repasa e acontecimentonan di e ultimo 4 dianan, no tin nada nobo pa raporta. Ni e detencion of intencion di detencion di 3 persona manera cu Alto Comisario Interino Gerold Dompig a bisa inicialmente ayera tardi.

FISCAL JANSEN

Tabata Fiscal Mayor Jansen cu a muestra cu riba dia number 4, ainda e situacion di buskeda di Natalee Holloway no a cambia y cu no tin nada concreto. A muestra cu dentro di 24 hora a cuminsa un investigacion hudicial. A cuminsa cu buskeda riba lugarnan cu tabata parse di tabata relevante segun tipnan cu tabata dreña. Mientras cu e area di Savaneta tabata inicialmente un lugar crucial, esaki a cambia pa Westpunt y Arashi unda cu un buskeda riguroso a inicia ayera sin duna resultado.

BUSKEDA

Un grupo grandi di 80 persona

incluyendo 16 oficial di polis y resto consistiendo di militarnan di Savaneta y personal di Coast Guard y Warda Nos Costa a tuma lugar banda di e Lighthouse pero sin resultado. “Pero nos lo continua cu e investigacion.” Jansen a bisa. “Mi ta compronde cu ta dificil pa no bisa mucho sin cu ta trece e investigacion na peliger” Jansen a bisa.

VAN DER STRATEN

Di parti di comisario vd Straten a muestra cu practicamente tur dia pa casi un ora polis ta comunica cu e famianan. Pero asina mes tabatin situacionnan cu a surgi cu nan a traha banda di otro. Entre nan, e hecho cu e famia a dicidi riba nan mes pa cambia e contenido di e flyernan cu tabata bisa “BUSCANDO” pa e palabra “SECUESTRA” naingles. Mes momento polis ta compronde e situacion emocional cu e famia di e dama ta aden, pero tabata pertinente cu e famia compronde cu e comunicacion ta hopi importante.

TIPS Y BUBALI

A muestra cu un total di 16 persona di polis for di e seccion di Bubali a busca tur caminda y actua riba tur tips. Tabata diamars cu a pensa cu lo a haye den un cas di choller, of mas laat den un cas di un

amigo, pero mas tempo pasa, mas e pensamentonan tabata bai den un direccion mas negativo. Pero esaki no kier men cu a perde speranza.

PROPAGANDA

A muestra cu e interes di Aruba tambe ta den wega aki. A muestra cu Aruba tin poco crimen y cu ta wordo propaganda como un isla sigur. Esei ta importante pa mantene y pesei ta haciendo e esfuerzo maximo pa esnan involvi logra haya un fin positivo den e episodio aki. Cu esei tambe e conferencia a termina y a sigui pa e parti di pregunta.

INFORMACION ERRONEO

Pa loke ta e informacion inicial cu a Sali for di sr Gerold Dompig, Alto Comisario interino cu lo tabatin 3 persona cu inicialmente a keda interroga como testigo y cu awor lo a bira sospechoso y tabata wordo deteni, a keda desmenti pa comisario Jan van der Straten. E la bisa cu aki tabatin un fayo di comunicacion y e ta lamenta esaki, pasobra e noticia simplemente no tabata berdad. Mester subraya cu e informacion inicial di Alto Comisario Dompig, tabata su palabranan y a meramente cita su palabranan. Pero esaki aparentemente no tabata un informacion cu tabata corecto.

